



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil «30» 09

08-272 -son

Тошкент давлат юридик университети қошидаги академик лицей ўқувчиларига университет стипендиясини тайинлаш тўғрисида

Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармони, Тошкент давлат юридик университети (кейинги ўринларда – университет) ректорининг 2020 йил 19 августдаги “Тошкент давлат юридик университети ва унинг қошидаги академик лицейнинг иқтидорли талаба ҳамда ўқувчиларига стипендия тайинлаш ва грантлар ажратиш тўғрисидаги низомларни тасдиқлаш ҳақида”ги 08-146-сон буйруғида белгиланган вазифалар ижросини таъминлаш, Тошкент давлат юридик университети қошидаги академик лицейнинг иқтидорли ўқувчиларини муносиб рағбатлантириш, уларни қўллаб-қувватлаш ҳамда Тошкент давлат юридик университети қошидаги академик лицей ўқувчиларига Тошкент давлат юридик университети стипендиясини тайинлаш бўйича университет комиссияси йиғилишининг 2021 йил 29 сентябрдаги 3-сон мажлис баёнига мувофиқ

Б У Ю Р А М А Н:

1. Тошкент давлат юридик университети (бундан буён матнда – ТДЮУ) қошидаги академик лицей ўқувчиларига Тошкент давлат юридик университети стипендиясини (бундан буён матнда – университет стипендияси) тайинлаш бўйича университет комиссияси йиғилишининг 2021 йил 29 сентябрдаги 3-сон мажлис баёни асос сифатида қабул қилинсин.

2. 2020/2021 ўқув йили учун ТДЮУ қошидаги академик лицейининг қуйидаги ўқувчиларига университет стипендияси тайинласин:

Бахруллаева Камола Улуғбековна;
Абдумаликов Мухаммаддиёр Эркинжон ўғли;
Хасанова Карина Дониёровна;
Фахриддинов Саъдуллахон Аловуддин ўғли;
Умаров Ёқуббек Саид ўғли.

3. Стипендиантларга университет стипендияси (сентябрь-июнь ойлари) учун бир марта белгиланган миқдорга қатъий риоя қилган ҳолда тайинланиши, ўқув йили мобайнида ойма-ой тўлаб борилиши ҳамда олий таълим муассасалари талабаларининг қонун ҳужжатларида белгиланган тартибда ўрнатилган стипендияси базавий миқдорида тўланиши белгиланганлиги инобатга олинсин.

4. Университет стипендиясини тайинлаш 2021 йилнинг сентябрь ойидан бошлаб амалга оширилсин.

5. Бухгалтерия (М.Парпиев) университет стипендияси соҳибларига сентябрь-июнь ойлари давомида бир марта белгиланган миқдорга қатъий риоя қилган ҳолда қонун ҳужжатларида белгиланган тартибда базавий стипендия миқдорида ойма-ой тўлаб борилишини таъминласин.

6. Маънавият ва маърифат маркази (Ш.Пўлотов) ТДЮУ қошидаги академик лицей (О.Сайидумаров):

университет стипендиясини қўлга киритган талабалар тўғрисидаги маълумотларни барча ўқувчилар эътиборига етказсин;

жамоатчилик ва ОАВ билан ишлаш бўлими (Ж.Ҳайдаров) билан биргаликда ушбу ўқувчилар тўғрисидаги маълумотларни телевидение, радио, интернет ва даврий нашрлар орқали кенг ёритилишини таъминласин;

стипендиантларга университет стипендияси гувоҳномаларини тантанали вазиятларда топширилишини таъминласин;

ўқувчилар орасида университет стипендияси ва таълим гранти бўйича мунтазам тушунтириш ишларини олиб борсин ҳамда уларни тизимли тайёрлаб бориш чораларини кўрсин.

7. Мазкур буйруқ ижроси назоратини ўз зиммамда қолдираман.

Ректор в.в.б.

И. Рустамбеков